

ALEXANDRINA da COSTA



DATA no FATIN MORIS: 30 Marsu 1904, iha Balasar, Portugal

FAMÍLIA: Alexandrina simu edukasaun sarani, liuliu husi ninia inan ne'ebé eduka mós ninia bin Deolinda.

Alexandrina hela ho ninia família to'o tinan 7.

Labarik

Atu Alexandrina bele estuda iha eskola primaria (iha Balasar la iha eskola), ninia família haruka nia ba hela hamutuk ho karpenteiru ida nia família, iha Póvoa do Varzim.

Bainhira hotu ona nia fila ba uma iha ne'ebé tulun hodi serbisu iha to'os nu'udar agrikultora. Nia labarik isin moris, gosta halimar, hatudu ninia domin no belun nune'efeto barak buka nia.

Adolexente

Bainhira nia tinan 14 ema ruma tama iha ninia uma ho intensaun aat. Atu defende ninia pureza, Alexandrina haksoit husi janela, maski iha andár leten. Foufoun ninia moras parese ladún importante, maibé liu tiha tinan 5 nia isin tomak mate no nia toba iha kama durante tinan 30 no nia bin Deolinda mak tau matan ba nia.

Foin-sa'e

Bainhira nia isin mate, Alexandrina husu grasa isin di'ak nian ba Na'inFeto, maibé Maria haraik ba nia laran nakloke atu simu ninia terus, no hakaran atu terus ba klamar sira nia salvasaun.

Nia oferese an nu'udar buat karan ba Kristu atu ema sala-na'in bele nakfilak an no ba dame iha mundu tomak. Nia dehan: "Ha'u iha objetivu ida de'it: fó glória ba Maromak no so'l klamar sira ba Nia".

Husi tinan 1938 to'o 1942, maski nia isin mate, sesta-sesta nia tun husi kama hodi hamoris fali iha ninia laran Kristu nia terus no mate durante oras 3.

Ninia jejum

Husi lora 27 marsu 1942 to'o lora ne'ebé mate (durante tinan 13 no fulan 7), Alexandrina la hemu ona buat ida no la han buat ida: ninia aihan mak Komuñau lora-lora nian. Tanba la bele esplika akontesimentu ida ne'e no oinsá nia bele kontinua moris, dotor barak ba konsulta nia, dala ruma ofende nia, tanba sira la fiar katak bele mosu buat ruma nune'e.

Kooperadora

Alexandrina nia diretór espirituál daruak mak padre salesianu ida: padre Umberto Pasquale, ne'ebé rai Alexandrina nia diariu. Padre ida ne'e prepara Alexandrina atu sai kooperadora saleziana. Nia dehan: "Ha'u sente uniaun forte ho Salezianu sira no kooperadór sira iha mundu tomak. Hamutuk ho sira hotu ha'u oferese ha'u-nia terus sira ba foin-sa'e sira nia salavasaun! Ha'u hadomi Kongregasaun ida ne'e. Ha'u hadomi liu no ha'u sei la haluha nia iha rai ka iha lalehan.

Ema rihun ba rihun hakbesik Alexandrina atu bele simu konsolasaun husi ninia liafuan sira.

Beata

Lora 13 Outubru 1955 Alexandrina mate iha Balasar no ema hakoi nia hodi halo nia hateke ba tabernakulu. Amo Papa João Paulo II foti nia nu'udar Beata iha lora 25 Abril 2004.

Sesta Feira, bainhira Alexandrina halo Via Sacra, hahú tuku 12 to'o tuku 15, nia moris tuir iha ninia isin Jezús nia Terus, tan ne'e, ho ninia hahalok, nia isin hatudu terus ne'ebé Jezús hasoru bainhira ema hedi nia ba Kruz. Orasaun sira ne'ebé tuir mai, foti husi Alexandrina nia esperiénsia rasik no halo parte ho Via Sacra ne'ebé nia halo semana-semana.



Husi Estasaun 2: Jezús lori kruz ba Kalvari

J: Ha'usimukruz. NiniatodanhanehanHa'uto'orai.lhaHa'u-niakbaas, Ha'u la lorikruzde'it, maibémundutomak. Ha'usa'e ho terus boot, maibéHa'usa'e ho domintomak, tanbaHa'uhakarakharaikHa'u-niamoris. Ha'u-niaisinnakon ho kanek, maibéHa'u-niafuan hadomi: hadomi sira hotune'ebéhatudusira-niadinominmaiHa'uihadalanidane'e; Ha'uhadomisirahotune'ebéhakanekHa'u no hakribiitHa'u.

Ha'u-niaisin saran onaihaemaaatsira, maibéHa'u-niaespíritula'ometinihaMaromak.

H: Ha'u-niaJezús, ha'ubeledehansaida? Ha'u-nia fuan ko'alia ba Ita: Ita hakonu ha'u no mundu tomak. Fuan hotu sei hadomi Ita. Tan ne'e, ha'u mós simu terus.

Husi Estasaun 3: Jezús monu ba dala uluk

J: Kruz nia todan halo Ha'u monu. Ai-taraktama kle'an iha Ha'u-nia ulun. Ha'u sente hanesan atu mate, maibé mate hodi haraik moris ba ema hotu fó kbiit mai Ha'u: Ha'u kontinua la'o. Domin obriga Ha'u atu la'o no manán. Ha'u haree momoos ai-tarak sira ne'ebé sei hakanek Ha'u iha tempu hotu

H: Inan, husu perdaun ba Jezús tanba ha'u: hateten ba Nia katak ha'u hanesan oan ne'ebé lakon no fila ba aman nia uma, prontu atu tuir nia, adora nia, halo tuir nia, imita nia.

Husi Estasaun 4: Jezús hasoru ninia Inan

J: Ha'u-nia Inan mai hasoru Ha'u. Nia hateke mai Ha'u, Ha'u hateke ba nia, maibé sira ne'ebé akompañia Ha'u dudu Ha'u atu la'o lalais. Ha'u la'o nafatin. Ha'u-nia inan mós la'o, hodi tuir Ha'u-nia hamatan ne'ebé hakanek nia no dada nia fuan no klamar. Nia terus boot tebes! Ha'u la lori de'it Ha'u-nia kruz, maibé Ha'u lori mós ninia terus. Ha'u-nia fuan kesí metin ba ninian, ami-nia fuan ida de'it iha terus hanesan.

H: Jezús, husu ba Ita-nia no ha'u-nia Aman rohan laek, laran luak ba rai tomak ne'ebé sala. Laran-luak no perdaun tan Ita-nia Inan nia terus no tan Ita-nia terus santu. Inan doben, ha'u hakarak sente ita-nia terus. Haraik ita-nia terus mai ha'u, haraik mai ha'u ita-nia domin ba Santissima Trindade, ba anju no santu sira.

Husi Estasaun 8: Jezús hasoru feto sira ne'ebé tanis

J: Ha'u-nia klamar tanis no hateke ba ema hotu. Sona borus buat hotu no fuan hotu. Feto ruma tuir Ha'u: sira tanis hodi haree Ha'u-nia terus. Hodi la'o, Ha'u hateke metin ba sira ho hamatan laran sadi'a nian, no Ha'u dehan: "Keta tanis ba Ha'u, maibé ba imi-nia an rasik. Imi tanis ba imi-nia sala: sira mak provoka Ha'u-nia terus".

H: Ha'u-nia Jezús, keta haluha Ita-nia raan, ne'ebé fakar iha Kruz, no husu perdaun ba Ita-nia Aman Rohan laek. Ha'u-nia Inan doben lolo ita-nia liman santu ba ha'u. Ita-nia dalan suporta ha'u atu lori kruz iha nakukun laran, iha rai-fuik maran laran.

Husi Estasaun 11: Ema prega Jezús ba kruz

J: Ho liman nakloke, hodi hateke ba Lalehan, Ha'u saran an ba Aman nu'udar vitima no ba umanidade Ha'u ofereze Ha'u-nia fuan no Ha'u-nia domin. Ha'u fó Ha'u-nia liman no ain atu ema bele prega Ha'u ba kruz. Ha'u sente ema ida-idak nia baku hasoru Ha'u.

H: Ha'u-nia Doben, nakfilak ha'u-nia fuan malirin ba domin manas liu atu fuan sira hotu bele hadomi Ita. Nakfilak ha'u-nia laran toos iha terus, atu iha rai klaran, la iha ona ema ida ne'ebé bele ofende Ita. Ha'u-nia Inan doben, akompañia ha'u besik ita Oandoben Jezús nia kruz, husik ha'u terus hamutuk ho ita: ha'u hakarak sente ita-nia terus."

*Bele uza orasaun hirak ne'ehodi halo Alexandrina nia sentimentu sira sai ita-nian.